



Pulitika di Asistênsia Finanseru BMC: **Rizumu** na un linguajen simplis

Sentru di Saúdi di Boston, ta fornési kuidadu mediku nisisariu pa tudu pasientis, independentimenti di rasa, kor, rilijion, sexu, orijin nasional, idadi, difisênsia, identidadi di generu ô ixpréson, ô kapasidadi di pagamentu. BMC ta oferési asistênsia finanseru pa pisoas di baxu-rendimentu, pasientis sên sigúru ô sên sigúru sufisienti, ki ta dimostra nisisidadi i un falta di kapasidadi di paga pa kuidadus di saúdi. BMC ta bèn trabadja ku pasientis pa determina elijibiliddadi di pasientis pa asistênsia finanseru i ajuda pasienti aplika pa kubertura ku Medicaid ô otus prugramas di stadu, planus di saúdi federalmenti kualifikavel, ô asistênsia ku prugramas di benifisênsia di kuidadus na hospital. Pasientis elijivel pa prugramas di benifisênsia de kuidadus ka ta ser kobradus más ki kuantidadis jeralmenti kobradu pa imerjênsia ô otus servisus medikamenti nisisariu.

Kenha ki é elijivel?

Baxu-rendimentu, pasientis sên sigúru o sên sigúru sufisienti ki mesti servisu medikamenti nisisariu i ki ka ta podi paga servisus podi aplika pa prugrama di asistênsia finanseru. Elijibiliddadi di prugrama é baziadu na orientason ki ta inklui rendimentu di lar di alguén, numeru di pisoas na familia, nisisidadi mediku, stadu di rizidênsia. Manera ki pasientis kualifika pa asistênsia finanseru ta bèn determina pa ki tipu di prugrama és ta sér elijivel. Alguns pasientis ta bèn kualifika pa prugramas ki és ka mesti paga pa servisus, inkuantu ki otus prugramas podi ixiji un pasienti elijivel fazi un pagamentu parsial. Alén disu, na Massachussetts, rizidentis podi kualifika pa Medical Hardship, un prugrama dispunivel através di Health Safety Net di stadu. Independentimenti di numeru di pisoas ki ta vivi ku bô na bu kaza i rendimentu, un alguen podi kualifika pa Medical hardship si gastus medikus permitidu é mas txêu ki un púrsentaji istabelisidu di rendimentu di lar. Pasientis ki determinadu ma ka é elijivel pa kubertura ku prugrama di asistênsia finanseru stadual ô federal ta ser avaliadu pa elijibiliddadi ku prugramas di benifisênsia pa servisus ku hospital.

Modi ki bu ta aplika:

Informason sobri pulitika di Asistênsia Finanseru di BMC, Prugrama di Benifisênsia, i aplikason, sta dispunivel na siguintis:

- kontata Konselheria Finanseru di pasienti na (617) 414-5155 ô vizita un iskritoriu di Sigunda ti Sexta, di 8 di sedu ti 5 di tardi, at:
 - Shapiro Center, 725 Albany Street, Suite 3C, Boston, MA. 02118; ô
 - Yawkey Center, 850 Harrison Avenue, (Ground Floor), Boston, MA. 02118
- Vizita pajina di internet di Hospital na <https://www.bmc.org/services/patient-financial-assistance-program>
- Fazi un pididu pur iskritu pa informason di prugrama i instruson di aplikason pur kureiu :
Boston Medical Center
Attention: Patient Financial Counseling
725 Albany Street, Suite 3C

Boston, MA 02118

Informason sta dispunivel pa tudu pasientis na Ingles, Spanhol, Kriolu Haitianu , Purtugues, i Kriolu Purtugues. Asistensia pa kompleta un aplikason na otus idiomas sta dispunivel através di servisu di interpretason di MassHealth na 1-800-841-2900 ô pa txoma Konselheria finaseru pa Pasientis na 617-414-5155 ô pa vizita un lugar ku iskritoria na Shapiro Center ô Yawkey Center.